

Abonnement pour un an:

300 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

15 Juillet 1925—No 184



فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]

تورکیا ایچون ۲ ، خارج ایچون

۳ ، اعلا کاغذلیسی ۵ لیرادر .

ادارہ خانہ سی

جفال اوغلندہ « اجتہاد ٹہوی »

تلفون : استانبول ۸۶۵

یکرمنجی سنہ

نومرو ۱۸۴-۱۵ تموز ۱۹۲۵

بویوک تورک انقلابی تاریخینک مقدمه سی [*]

مورخلک ادعاسنده بولونمیان ، فقط فاصله سز یکریمی یش سنه دئیری نشریات وادیات عالمزده امضاسی کورولن برذات اخیراً « بویوک تورک انقلابی تاریخی » عنوانیه مشکل و مفصل بر اثر وجوده کتیریمک ایچون اوغراشمقده در . بواژک ایملک جلدنده بر مقدمه نظر دقتمزی جلب ایتدی . و بومقدمه بی ادبیات تاریخیه مزه بر نمونه اوله رق عیناً نقل ایدیورز . دیگر بارچله رینی ده آره صیره نقل ایده جکر :

بز یکرمنجی عصرده یاشادق ؛ فقط آ کلامادق . بز عصرلرک کورمه دیکی اک بویوک ، اک معجزه لی ، اک قورقونج ، اک اسرار انکیز و اک مقدس انقلابلی میدانه کتیردک فقط آ کلامادق .

بزدن صوکره کله جک نسل ، آرتق توز طوپراق اولمش جدرلرینک بو وظیفه سنی علوی بروجدا یچنده درعهده ایتسین . بزم هر دامللا کوز یاشمزی ، هر ذره ماجرا مزی داهای نفوذلی بر کوروشله اوتخیمله چالیشین .

برقاج خرابه آیروب براقه جفز ؛ اونک ییقیق دیوار لرینک دیبلرنده جان ویرن بویوک دینه لرینی ، بویوک همشیره لرینی داهای ایچدن ، داهای روحدن سویله تسین .

بزم سقاریامزک دیلی ، اوکا ترنم ایتسین . بزم حقیقتمزی قارص وادیلرنده ، عیلتاب صیرت لرنده آله یوب آلسین .

این اوکی ، دوملی پیکار ، قوجه تپه اونک قلمنده جان و ماهیت بولسون .

بزم نسلمز آتش کسیدلی ، بزدن صوکره کله جک نور اولسون . بزماتمک اولادی یز ، او ظفرک ، شرفک ورفاهک طورونی اولارق یاشاسین . بزدن آغلادق اومفخرتدن هیچ قیرسین . دشمن باصمش یورد طوپراقرنده طیرناقلریمز سوکوله سوکوله سپر قازدق ، قایالرقازدق ، او ، بو سپرلرده قالان آتا کیملرینک اوستنده ایدی معوموره لر میدانه کتیرسین . آراس ، فرات ، سیحان ، سقاریه ، مرچ قانادی ؛ بربرینه قاریددی . چونکه هپسنه قاریشان قیپ قیزیل قان ، عینی تورکک قانیدی . بزدن صوکره کله جک نسل ، اونلرک ساحل لرنده بلده لر ، بانچه لر قورسون .

[*] (آقره) ده اخیراً انتشاره باشلایان کوزل (انقلاب) ک نفیس بر صفحه سی در .

باباسز قالان چو چو قلیمزک طورونلرینه ایشله نمه مش فقط قورتولمش بر وطن بیراقدق ؛ هر قاریش طوپراغنده بزی ، بزدن ای بولسون .

ادرنه اپله ارضرومک اوستنده کی قبه ده اسهن هوا ، شهید آنالرینک صوکره نفسلریدر ، کله جک نسلک کوکسی اوتنفسله قابارسین .

بز ایشله نمه مش ، فقط آنا خطلری طوپلوجه چیزلش بر تاریخ یادکار ایتدک ؛ هر سطرندن ، هر اونوتولمش کله سندن ، هر اهامل ایدلش حرفندن برر مقدس کتاب چیقارسین .

ایشینه ، آدینه « بویوک تورک انقلابی تاریخی » دیدیکمیز شواثر او ایشله نمه مش ، فقط آنا خطلری مجموعه سبدر .

بو تاریخدن طوتولان اصول بسیطدر : بلای باشلی یوللر اوزرنده یورویمک ، افاده و اسلوبده یوموشاقلنی قورومق و حادثه لری تاریخ صراسیله ضبط وقید ایتک کوریلوب کچیلن ، هیچ توقف ایدلمس ، یالکیز آدی قید اولنان وقعه لر باشلی باشنه و آیری برر تاریخدر کله جک نسل اونی خلق ایتسین . بزم مظلوم و امیدسز ملت لرک ناصل دیر یله ییلدیکنی کوسترن دستورلری ، حمله لری و همت لری بر زنجیر جاننده بر آرایه طوپلادق ؛ او ، هر باقلا سندن بشره بر بخلده ویرسین . بزم ناصل یاشاد یغیزی ، ناصل تولدیکمزی و ناصل دیرلیدیکمزی او آ کلا سین . و بویوک تورک انقلابی او آ کلا تسین .

بزدن صوکره کله جک تورک نسل ! .. بوچوقا کسینک فقط یاکلشسز تاریخ هیچ برشی یاپماسه ، سکا ، فاغنی سنی یه دن فاطمه نک و سپرینی بکله یین محمد جکک نسل اولدیکنی سویله یه جکدر .

هیچ شبهه سزک فاغنی سکا اولاشامیه جق و سن اونی بیلمیه جکسک . اونی شیمیدین سکا تعریف ایتلی : تورک ، باروتک ، آله وک و تولومک ایچندن استقلالنی سوکوب کتیرن مقدس آراهه !

فضله تقصیلاتی ، بونی متعاقب صحیفه لرده بولاجسک . سلام سکا ای کله جک تورک نسل . (انقلاب)